

同州府續志卷十二

列傳下

馬永亨字子健韓城人嘉靖甲子舉人知房山縣性介而方常祿外一塵無徭遷河間丞三攝郡篆庫有羨金亨睨之若浼陞常德知府五年倦勤而歸帝為加副使銜蓋寵之也喪配二十年歸居不置婢宦三十年不一過里開為杯酒歡人皆難之 以下韓城

薛亨字道行辛酉鄉舉第一隆慶中進士授戶部主事督餉甯武餉賦金粟各半屬當款貢又戌卒築隄當倍給議

同州府續志卷十三 列傳下

加麟執不可裁甲馬芻秣溢額者大司徒嘉其能著為令改兵部武選司擢山西提學僉事教先德行而後文藝以齋膳之羨置學田周士不給者遷副楚憲過家以其祿為宗人輸租置義田義學義塚既入楚正經界繩兼并商無濫出吏無橫斂民困大蘇冬如京師計吏弁虎冠若而人寬小吏斗食以下不問遷四川參政奉檄問播寇楊應龍罪錮之應龍諭以征倭自贖當事者悅法許之陰行金於亨家亨以聞兩臺言寇反覆宜早為備後數年播事潰裂卒如其言遷按察使治汾州強宗斂手受要東乃增陣浚

隍請陞州府彈壓之平獄數十百人遷河南轄浚兗庫宿弊為晉人忌者所議坐罷歸署所居堂曰敬忍於世事一無所問

張邦俊字襟黃萬曆乙未進士初授御史時抗言起廢棄廣用賢請出閣講學皆人所不能言者又疏請增浙閩秦齊解額四省各得五人增會額天下得五十人定為例劾稅瑞梁永高淮救直臣王邦才等俱載國史人尤難之

同州府續志卷十三 列傳下

解經邦字叔憲萬曆中進士授麟縣令暉為魯疲邑田蕪民徙且盡通賦至二萬經邦為請捐積逋緩其征民稍集即為建屋市積具耒耨耕計創官庄三百二十七開弗田二千二百二十四頃有招墾之議十逋荒之議十省刑省罰之箴二入為戶部主事於行籍銀金八百留饗軍在部督海新二倉塞諸寶節羨六萬以富庾陟郎中尋為易州兵備參政遷陽和右布政陞宣府巡撫宣古上谷地兵驕惰經邦按部治之又甯武援軍離雁門即肆掠入疆且置經邦以練甲三千壁郊取罪人縛首惡八人立賞之法以一緡孤導之疆外疏請天下援兵所過制撫得行法上是之加兵部右侍郎經略遼東且行史太夫人病劇歸經邦

為人廉約愛人政有惠家無積尤好施人多賴以舉火時以賞資妓倡立功名者素喜讀易春秋盈虛邪正開數致意焉著有暉陽條議二省箴雲中校武策儀曹奏稿撫宣奏議中和堂集

吳永圖字維懷萬曆癸酉舉人為榆杜知縣榆素疲邑圖培養之嚴緝盜申鄉約課士勸農恤孤拯弱聽訟平允不罰一贖辨吳子誠之冤出曹封野之獄發徐貞女之誣榆民稱為吳青天嘗編里役獨宿公所集里老戶甲詳定上下硃書定之催徵類報空數大戶託以匿私乃令大戶什

同州府續志卷三 列傳下

三

排眼同報數亦以硃筆書簿南關馬頭十四名最為苦差秉公審定民皆帖然潞安張通判欲入大戶罪意有所覘也力為之辨張脚之又遼守巡道以其不通禮餽遂註下考辛卯冬左遷晉府審理圖怡然曰天下無不了之局吾何以官為哉居榆三年行李蕭然一夫肩入一夫肩出歸農四十年囊無一錢漠不介意

薛國觀字賓廷萬曆乙未進士授萊州司理發覺白蓮教就鐵歸養日逆闖圍韓城甚急國觀捐金鼓勵禦守城賴以全又疏請磚營邑城首倡捐貲助工不以累民在諫垣

中著鍾直聲歷陞都察院僉都御史太子太保吏部尚書武英殿大學士清介端方苞苴不入請託不行上初寵遇甚隆後以他事致謫賜自盡天下惜之

高愉字泰吾初為諸生偶儻有氣節事父母至孝天啟末歲荒愉嘗產得百金悉以賑之縣令王徵俊高其義申請救建尙義坊以旌之尋以勇略擢韓邵營事歲復荒餉不至愉多方周恤全活甚眾軍兵不譁城保無恙

同州府續志卷三 列傳下

四

趙春芳天啟甲子舉人為許州學正署州事闖賊攻城芳固守闖賊曰汝順之吾令為刺史否則城破碎汝骨芳曰吾食明祿能為賊臣乎生即弗滅汝吾為鬼將斷賊頸闖賊怒急攻之城破被執大罵不絕遂遇害

李燦字斗明天啟中進士歷官汝甯知府有德量寡言笑時流賊屢薄城下守備甚嚴調平陽捐貲修城不派州縣人尤稱之

李國琛字象坤庚午舉人河南許州學正代篆滎陽錫俸修城置火器不逾月大賊雲集四面環攻卒賴保全又剪滅八府通家蔡和葵蔡從龍縣人慶更生為樹碑建生祠解光縷字端甫性端謹師事韓令左懋第以名節相勉會

賊難避地晉中日給義士圖刺賊晉撫行視軍纓往說謂
長安雖陷三邊宿重兵將中豈遂無顏真卿郭子儀其
人者願以忠義檄三邊令會勦未果賊撲緝紳金匿之者
多波及挺身往見賊不少屈繫長安掠以刑備極苦楚終
不屈賊壯之適有為賊策餌衣冠收人心者檄令受職纓
不應辭氣益烈賊不能平遂遇害

高來鳳崇禎丙子舉人歷官鎮江知府時江上初議防守
來鳳任事能斷兵民安集聽訟明決獄無滯留補順德知
府卒於官居鄉醇謹平易人無怨讟

同州府續志卷三 列傳下

五

賈淵遇少婦失金環泣覓於路執淵拾其遺且云環關軀
命淵憐其急以妻環給之後婦拆袞獲前環偕夫詣淵謝
且償環一時喧動里閭邑令王鼎聞之推為鄉賓

賈綺芳字懷伯貢生御史宏祚子少從盤屋李中孚遊篤
實誠懇以朋友為性命年三十六卒著有思誠錄邵陽康
无疾推以古君子稱其為韓後來理學首倡云

高世弼字五軒歲貢生世徵字少菴增廣生同胞兄弟也
少從懷伯與鄂縣王心敬交得聞二曲之學由是兄弟一
堂自為師友家庭嚴肅步履矜慎一時推為道範世弼性

傲岸不羣毅然獨立異己者或非笑不顧也世徵嚴以治
己和以處眾不為清路矯異之行而人自無不服焉
強獄立字健齋國學生少從賈懷伯交鄂縣王心敬遂受
業焉仗義疏財尊賢敬上一時名宿皆與為交嶽立起微
家巋然自立或聞有口過人益忌之然以視世之言肆行
苟頽然自廢於孔牆之外者其高下為有閒矣

晉賓王字德明諸生性狷介奇氣稜角峭厲人望而畏
之聞馮恭定公講學長安與晉釋辛復元金明趙廉夫負
笈從遊鼎革後隱居不出飲水樵山自號盤龍逸民性至

同州府續志卷三 列傳下

六

孝持親喪六年不入內膳終自反日生平學問此時方見
解允樾字拙存天啟戊辰進士授翰林編修為人孝友真
摯雄才博學不可一世丁父艱扶柩出都步行泥中因成
疾鼎革後隱居太華龍門閒讀書不輟稱韓山樵隱與揚
州姚公思孝時相往復有述史二老之目尋山問水每多
吟咏而故國新亭青山白髮一篇之中三致意焉初闖賊
入關縈紳士徵金允樾誓不辱預為墓誌銘又手書座右
一聯云身為侍從之臣世受國恩忍負皇明一死代有貞
白之譽恪承父訓長留清範千秋後卒不死者以有老母

在也

趙翔鴻字冲之天啟辛未進士宰武陟以忤瑞降淮安檢校尋陞司李以直去鼎革後屢徵不起率以疾謝疾篤自爲誌銘稱處士云

孫必達字成章崇禎甲戌進士授臨潁令閭變後遁跡巖阿長吏求一見不可得杜門不出者凡三十年

衛靖中字翊明天啟丁卯舉人歷河南推官變後隱居不出又衛昌開崇禎時副榜鼎革後與其師延安推官顧咸止出遊不知所終

同州府續志卷三 列傳下

七

孫沅字元圃諸生甲申後高尚不出爲人剛正能以禮正俗尤重然諾慷慨雄激嶽嶽動人有故紳以事籍其家妻子入旂沅易田產得百餘金贖之而與紳初不相知也負笈訪友徒步遊江淮客死白門所著有野史刻之以傳皆記明士大夫屈身從闖而彈冠授職者

劉士藻字潔齋諸生受業安邑曹貞予先生之門性磊砢峭岸與人寡合人亦莫敢近甲申後杜門不出教授生徒以自給日晡不火宴如也時號勁節先生又諸生強景琦強秉乾李湛本李鵬霄楊青衛姬疆皆高尚不出景琦曾

遊曹貞予馮恭定二先生之門姬疆黃冠遠遊暮年始歸王被徵張少保士佩公家僮幼從少保略知文字聞賊陷京師徵詣少保墳哭叩曰僕從主人食先朝澤久今主之至已崩僕不忍苟生也不食數日死

劉蔭樞字相斗康熙丙辰進士初授蘭陽令報最人諫垣章數十上皆關大計旋出分巡贛南除私收門稅贛南米市有牙帖銀協濟定南蔭樞計歲人借田以相充額牙稅遂永除摧雲南按察使進布政使出納廉平官吏無敢貪墨尋撫黔以威惠服諸苗遠邇帖服康熙五十四年西北

同州府續志卷三 列傳下

八

用兵連歲不解蔭樞上疏請罷兵忤旨詔出玉門親相機宜時年已八旬遠地苦寒以病辭遂獲罪 詔屯田寨下歷三年還京師六十一年與千叟宴雍正初賜金歸里蔭樞爲人篤誠真率廉而不刻貴不自居其居鄉也與鄉之老者把酒論舊拍掌笑呼若不自知爲貴人者年八十

七卒

陳謀字獻可乾隆十三年進士授四川彰明知縣講學訓士以惻愍爲政治水逼城築長隄扞之縣城二門民弗侵爲更開西北二門使得四達後任河南靈寶項城等縣所

至有政聲以告養歸卒於家

工汝梅字燮亭乾隆二十二年進士授沅陵知縣時雲南軍務孔棘沅陵正當其衝有止其行者汝梅毅然曰平生讀書止求不欺今甫得官即思規避欺孰甚到官後寬徭役勸耕桑獄無留滯沅陵人有青天之稱既以不樂吏事請改教職終西安府教授

衛晞駿字卓少父長泰安府通判有政聲而駿登乾隆十九年進士歷儀徵文昌陵水三縣擢廣州府澳門同知為政務寬大所至嚴肅盜賊屏迹方其在文昌時崖州黎蠻

同州府續志卷三十一 列傳下

九

奉檄練民兵助勦晞駿獨主撫諭命熟黎往諭以威福黎聞命納款遂平

吳照字明遠乾隆十九年進士授清河縣知縣清河當南北衝供億日不暇給照到官後節供帳省徭役有上官吏人至多取驛騎且索賄立杖之縣書院膏火之資為司事所侵蝕照自捐俸延名儒主講席成就甚眾

薛祥宇瑞景乾隆二十五年舉人任震澤縣知縣移新鄉比歲不登祥周歷撫卹民無失所河隄工料多取給於民悉能之自辦以卓異擢霍州知州卒於官

師彥公字槐三少讀書務求經濟由常州府通判起復補徐州府豐碭通判晝夜宣防不避艱險擢銅沛同知常履起問河水驟落急載蘆簰百艘促下至桃源河已決工料應用上官奇其才畱辦防閑尋調外河同知凡險工皆委辦擢淮徐道調淮揚道沿河千里比歲安瀾乾隆四十九年春 上南巡 召見行在 賜食古稀說墨刻豐紹綵緞尋致仕歸里置義田增造龍門口鐵柱舟免覆溺卒祀鄉賢

同州府續志卷三十一 列傳下

十

程有覺字順之乾隆二十五年舉人授長安教諭擢河南

通許知縣以廉明稱巨族某訟坐地十年不決有覺至立予判白上官奇其才將調祥符通許士民遮道畱遂止

范馨字德芬以廩貢生肄業國子監授兩當訓導勤於課士回民變起借縣令謀守備晝夜巡禦城賴以全其先川楚教匪逼兩當亦如之以老乞休舉鄉飲大賓

程冠邦字碩士少孤貧力學乾隆二十五年副貢以教習授廣西平南知縣平南當兩粵衝征商歲以萬計冠邦絕無所私例外所取皆禁絕之去官日行李蕭條

吉鳳翽字鳴一乾隆三十三年舉人授洋縣教諭嘉慶初

川楚教匪不靖縣令方奉檄出籌軍務忽羣賊自遠略突逼縣鳳翔集諸生列職於城固守三日夜四鄉圍至城賴以至上官嘉其能檄守城固隘險復防守西鄉渡在官七年致仕歸卒

王逢時字會菴文端公從子乾隆三十一年武進士王倫之亂以防河功授江西吉安營守備擢永新營都司浙江處州營游擊陞授廣西柳州營參將署江西袁州營副將御士寬嚴有法兵民相安南人至今懷之引疾歸卒以上補遺吉修孝道光壬午進士補雲南平彝知縣以卓異升尋甸

同州府續志卷五 列傳下

十一

州知州廉明勤慎官俸外不名一錢卒於官囊無餘貲州人醵金送其柩暨其家屬歸焉

王篤字寶珊文端公孫也幼聰慧四歲出就外傅文端公深愛之道光癸未成進士入館選歷充

國史館協修纂修鄉會磨勘官會試同考官繙譯內場監誼官補江西道御史奉

命督學四川按試以明倫敦品爲先務次則通經義參史學正文體審音韻講書法並刊字學五種以訂訛謬教官贊敬新生棚規陋習蜀人比之文翁任滿回京掌河南

道御史充會試監試官稽察吏部詹事府五城步軍統領暨中倉事務所在無忝厥職俸滿簡放福建汀州府知府旋升廣東督糧道己亥奉總督林文忠派赴虎門監銷煙土往潮州查辦案件深爲倚重署兩廣鹽運使升授長蘆鹽運使六閩月署廣東按察使尋升授山東按察使未赴任虎門告警省垣震動篤籍城內游悍民盡爲己用以防內奸抵山東後獄獄多平反皆盡情法未幾轉補布政使兼署理巡撫印務派充閱兵大臣時承平日久營務廢弛篤力爲整頓營伍肅然又在東省製造德州青州滿營

同州府續志卷五 列傳下

十二

器械賞戴花翎丁未因公呈誤部議革職回籍後閉門待罪惟每念屢受

鴻慈未報塌埃時用戚戚壬子粵楚軍興奉檄幫辦本省捐輸事宜事竣賞還按察使銜旋以積勞卒於家一子福徵附貢生成豐初元舉孝廉方正報捐道員持躬端謹人以爲克紹家風

師兆熊號覺堂少聰穎年十六入庠才名籍甚起家密縣令調濟源歷廣平大名同知易州遵化深州冀州知州官化知府所至用強固果確爲治雖抵牾當道要人不憚清

源向協濟河工河督某欲借馬營壩之工增建新婦爲奏
銷庫款地兆熊謂救險在得人不在興役在覈實不在增
費拂其意眾以目攝兆熊兆熊抗辯愈力議遂寢濟源俗
剽勁獄訟繁興每受詞狀據案書票遣一役借徑計道里
限期至卽判結有錫勇爭地持金求直卒直其錫一無所
架暇日單騎赴鄉課農桑問疾苦過村塾輒入勞勉其師
弟子深州燕巖邑民尤健訟兆熊下車晨夕清理甫而月
清釐四百餘起奉檄捕趙州邪匪擒其渠魁有株連名冊
悉焚之道光丁酉山東濰縣土匪作直隸冀州與接壤兆

同州府續志卷三

列傳下

三

熊攝冀篆內修戰具外備隄防賊不敢犯境守宜化時某
布政欲令納贖門下兆熊佛然曰兆熊宦三十年未嘗屈
已媚上今老矣顧能持刺候門牆仰視貴人眉睫乎卽日
引疾去抵家教諸子讀積書充屋手自披校著讀史覽要
若干卷

高學山字靜之道光乙酉舉人性剛方尙氣節慕楊椒山
方正學之爲人嘗曰士生於世當守正弗阿百折不回絕
不可爲威惕利疚自損操持授渭南教諭鯁介不變告歸
潛心稽古教授生徒仍坦然自適云

王景康字仰山道光乙酉舉人品學兼優孝友無閒待人
處事一以敬恕居心大挑授甘肅河州學正其時杏林書
院章程漸廢膏火甚微景康捐修金之半以益膏火一時
人文蔚起登科者如林起病後復選商州學正同治元年
捻匪因城景康幫辦守禦備極嚴謹賊遁加獎光祿寺署
正銜

薛桂潔字馨山援例以訓導候選署武功教諭值考期入
學者多半寒儒學儀學規概不取丁父憂去官服闋選邠
州及洋縣訓導均以母病未供職母卒杜門不出訓子讀

同州府續志卷三

列傳下

四

書而已

王鴻飛字厚山同治癸亥進士任安徽蕪湖縣軍興以來
多盜賊鴻飛連擒之肆諸市民乃安升無爲州甫抵任訪
民疾苦首請蠲賦設粥廠全活甚眾州臨大江恃長堤爲
禦官堰民場綿延二百餘里被水衝潰稟請借帑九萬餘
金盡力修築五閱月而工成以勞卒於任著杏林閣詩文
集以上仕宦

師長治道光己卯舉人由內閣中書授湖北崇陽縣知縣
循躬廉謹爲政不事操切到官甫百日忽遇逆匪鍾人杰

之變有勸其避者長治曰伊等雖築詰吾子民也曉以大義當散退設事出不測縣城即吾塚何避為乃出坐廳事剴切曉諭逆首遂巡堂下辭色頗悔旋以助惡者眾勢洶洶不可止遂遇害事 聞入昭忠祠卹贈如例

師長饒少有壯志慕終軍班超之為人棄儒從軍由南河旗牌升遊擊管帶勦防營防禦揚州等處進參將加副將銜嗣奉檄進勦安徽婺源賊長鎮部署營伍選精銳三千人奮勇馳擊賊稍悍異常長鎮憤甚一日師甫出勒馬營門顧謂守將曰此行當決一死戰設日中不還令人收吾

同州府續志卷三 列傳下

五

屍耳遂激勵將士冒矢石鏖殺終日力竭死之事 聞入昭忠祠本籍祀忠孝祠

王汝為號勉齋道光戊子舉人授甘肅甯州學正整文教造文廟禮樂器具升漢中府教授髮逆擾境奉委辦團防加同知銜時徵縣令趙必達汝為門人也徵距漢中三百餘里汝為嘗寄書授以團防事宜髮逆兩次攻撲卒保無虞後漢中復被髮逆圍困年餘糧餉不濟又秋雨城傾汝為知事不可為乃至飲馬湖視妻范氏及二女皆投水死回坐明倫堂持刀大罵賊誘之降昇以飲食復投地大罵

遂遇害長子守憲委署雒南訓導留辦漢中團練見府城失守父被執率團兵巷戰力竭而死事 聞贈都察院經歷銜於府城建專祠廕一子縣丞 以上忠烈

強克捷字月三號樸齋少時讀書遇忠孝事必具衣冠肅拜泉咸異之乾隆六十年舉於鄉以嘉慶十三年進士授河南滑縣知縣滑與直隸山東接壤易滋姦宄克捷一以除莠安良為政俗甚憚之十八年秋黃村逆首林青陰倡邪教京畿以南煽惑甚眾期以九月十五日作亂約滑人李文成牛亮臣等為外援克捷悉捕文成亮臣及諸為首

同州府續志卷三 列傳下

六

者下獄刑訊得實將窮治之逆黨馮克善等知謀泄遂以九月六日夜入城劫獄克捷聞變升堂諭以大義眾相顧錯愕莫敢動然外賊已大至克捷知事不可為率丁役力戰被創數十遇害夫人張氏子婦徐氏及族人家丁男女等凡三十五人皆死子逢泰望泰以先期歸里獲免克捷既死曹州大名之賊相繼起畿南戒嚴無有應林青者十五日逆匪七十餘人潛入禁城皆伏誅捕陳林青於市越六十五日官兵破司寨文成一足被刑不能遁自焚死又二十日復滑城俘送亮臣京師總統以克捷死狀 聞歷

奉上諭強克捷首破逆謀功在社稷全家荼毒尤堪矜憫
加恩照知府例賜恤入祀京師昭忠祠賜諡忠烈長子逢
泰給騎都尉世職世襲罔替次子望泰給舉人夫人張氏
贈恭人長婦徐氏馬賊尤甚賊釘其手足於扉櫬之賜諡
節烈贈恭人韓滑並立專祠從難三十五人皆附祠諭祭
葬纂入史冊又以韓城登仕籍者前有王杰後有強克捷
士風純茂廣文武學額各五名永著爲例二十一年逢泰
引見授主事明年

上追念前功復

同州府續志卷三 列傳下

七

命望泰與中式貢士一體殿試賜庶吉士改授內閣中書
出守四川重慶府有清操所至振興學校躬行以倡之初
韓富人蘇永吉弟某仕京秩值道光丙午望泰入覲慮其
資斧不裕贖之金不受某陰置被中而去望泰至行日袖
金晨往某尙卧望泰置金遂行某追之而未及也抵韓時
值游儀望泰卽貸蘇永吉五百金爲賑族資永吉義之遣
人送其家不受券策馬逕去望泰亦追之而未及也同治
丙寅永吉子長豐赴官雲南過成都望泰還其金長豐以
不知固辭望泰曰縱子不知無奈我知何我之耿耿於心

者二十年矣今日遇子烏可交臂失之耶卒強之受本韓
城志並聞善錄

王渚恩貢生少穎悟讀書輒曉大義既長獨肆志於古大
家文游學馮翊關中慕李二曲之爲人晚歸家教讀遠近
受業者舍至不能容五十後見理愈深取歷代理學語錄
名臣列傳擇其有裨身心者彙輯之以爲省身寡過資年
七十三卒

薛南暉字煥齋監生品行端方博雅好學尤致力於周程
張朱四子書善書嗜鐵筆凡古書篆隸講貫精確士林稱

同州府續志卷三 列傳下

一六

之

蘇應眉福建人也遷於粵最後以其先人曾爲神道嶺游
擊從征回部沒於王事遂家於韓好學沈思博文強識得
方尤在韓歐諸大家其學專務格物卽村嫗野人之語偶
有見聞必筆之於冊名曰松窗臆說惜多散佚 以上儒林

王駿廣西柳州營參將逢時子逢時以王倫之變奉檄防
河得臂疾退休家居駿課授生徒以脩脯佐甘旨生平常
服膺孟子養志一語每食於常供外擇親所嗜者親烹飪
以進察其適口色霽則喜微不悻卽憚憚終日如抱隱憂

子鴻飛見前

張效房邑庠生性慤直孝友堂弟幼孤招而撫教雖日不舉火猶課弟讀書晏如也沒時忽有來撫柩而哭者哀甚家人莫識詢之乃知為數年前效房拾其多金而覓還之者蓋終未與家人言及云

衛丕良字慶善家赤貧親心不慰丕良躬率二弟耕作謀衣食以承歡兄弟親愛逾常教諸姪耕讀室家翁和六十餘載無異詞

溫墩監生雅好先儒格言每自外歸以定省久曠依依膝下從親寢經數宿然後入內室同母兄弟三人俱出嗣家漸落瓊輒以已財給之

同州府續志卷三 列傳下

九

強存乾字子操例貢生其母孫年八十瘖疾存乾朝夕侍奉母無苦狀事兄振乾尤謹飲食談笑未嘗一日離為富人某排解不測事其人謝以千金笑而却之

程振聲歲貢生父早卒事母色養撫憲林文忠公見其文器之延請課諸子讀以親老不往依依膝下孺慕之忱老而愈篤母卒葬祭一如禮偶觀柩輒潸然涕下諸子率能讀父書孝友一如其父

馮仲陽賈越為生嘗於路拾三百金就其地候至夜深無覓者次日出招帖其人果來原封與之

王湧勳諸生博學能文兼工古今體詩父早沒母高氏茹苦教養積有喘疾值天寒恆夜不寐湧勳親侍湯藥夜闌時母數促就寢湧勳不忍拂親意既出仍悄立戶外伺其睡熟方去後從伯父邦疑肄業榮河一日忽心動即束裝歸至家母伏牀已旬日矣母卒湧勳哭泣自責幾不欲生殯葬後專授生徒嘗獨步徘徊口誦蓼莪泣下沾襟著有屏山吟草一卷苦節哀輓詩百餘韻論者謂可補白華華黍之缺

同州府續志卷三 列傳下

三

劉景黎好學嗜古少失怙不善治生人產嘗自煮粥和菜根食多方質其奉母旨甘無少缺母性嚴輒使氣動以瑣故怒至不可解則長跪哀請受責背賴閒時有杖痕卒無惰容生平喜談忠孝事蹟日惟手錄先正格言以自課賈伯麟字體仁廩生事親至孝母沒侍父晝奉飲食夜整衾裯未嘗委之他人二十年不入私室父沒守制讀禮三年不出門庭

劉銘新字靜軒咸豐己卯舉人官戶部主事幼失怙事母

至孝母久病銘新躬侍二年衣不解帶母卒哀毀逾常廬於墓食必祭未嘗輕出廬次

趙毓清字葆真諸生事母最孝父早沒每值祭祀潸然淚下與鄉人處和而介凡有難爲事慨然以身任之廉潔剛方著於一邑

孫正杰兄貿易中部娶妻生子以病故其母憂慮得狂疾正杰晨昏定省不肯遠離爲人傭夜必歸家事母鄰人喜其孝欲助金使娶杰却之曰母病如此娶恐分心不能善事吾母後母沒正杰至中部取姪還撫育成立

同州府志卷三

列傳下

三

強清俊警者三歲失怙恃叔父口授論語二篇講讀甚熟繼母董常患背痛每夜必撫摩不倦後家道落典賣家中衣物爲其母預備衣衾棺木

雷廷蘭善事母家貧如洗貿易山東母老手足不能自舉乃辭歸奉養值春日芳辰鄉儺社鼓必負母往觀年逾五十力衰製小車令母安坐其中推之以行

孫海壁生二歲父文亮出外音耗隔絕賴母十指生活同治壬申年十七矣服買本邑時於無人處淚泫泫下值清明節密禱於竈神客有自三原來者手一函知父在固原

州之瓦亭驛喜出望外遂祀神固原路徑別其母子身獨往備經危險抵瓦亭果與父相見

梁仁和年九歲值回逆之變母子同爲賊執賊欲刺其母仁和哀求代死賊以刀脅仁和無懼色賊義俱釋之

解煥榮優生其父有爲人誣債者以骨肉不忍置辯煥榮竭力措償以順親心母晚年得背痛疾夜常與妻文氏更代撫摩俟沈睡後止數年不懈

替者某諸生劉森父也幼失怙母撫養成人家徒四壁入日存活惟特買卜所入每自城市歸必攜佳味奉母數十

同州府志卷三

列傳下

三

年如一日教子以義方森自外入必叩其一日功課與所交游偶有不檢卽譴呵痛撻不少貸一日訪戚友止其家談論終日忽瞑目無疾而逝

張允修附貢生純謹篤實事繼母能得歡心母卒弟求分爨允修百詞諭解繼以涕泣終不悛遂盡委產業令其自擇又作豆其詞並古歌冀其感悟弟亦旋悔延戚黨詣兄所負荆復與同炊終身無閒言

以上孝友

王盛桂監生好施捨親友無葬具者不能舉火者輒慨然任之寒士某北上求飲盛桂賣其園得金盡以村之有贈

句云憐君老去非豪富捨藥施棺了此生

蘇含章誠懇重義幼服買於西涼有朝邑趙某者愛其忠與之訂交趙還家邀含章俱往屬以家事式好如兄弟回逆構亂趙全家遇害有子方四歲含章負之逃數與賊遇幾不免卒脫於阨時人義之

薛桂林字枝山家素豐父廷璧欲建祖祠桂林善承父志又廣置田畝奉母命每嚴冬造棉衣給貧窮者同治元年回匪竄入邵陽桂林謂韓邵唇齒相依送邵邑團局錢五百緡二年多帥駐同州札飭轉運大營糧餉回匪竄後同

同州府續志卷三 列傳下

三

郡設招何局使桂林督理六年以道員需次山東捻匪逼近省城桂林奉檄防守東門啟門納難民全活甚眾事平加運使銜戴花翎逾年告假歸適回匪擾韓桂林有房三十餘所附城濠慮礙防守悉拆之加布政使銜其他捐倉穀賑粟設粥廠施田葬枯骨諸義舉更僕難數

高思義輕財重義友韋滿盈母卒貧不能殮爲之具棺後滿盈父又卒貧如故欲以席殮思義聞之曰伊不好再求我也仍買棺送之

馬仲元家貧賣麵生活好善樂施遇義舉力稍能及必捐

資助之每雨雪後掃除橋頭坡道以利行者俗號曰馬善人

程匯京庚午舉人少聰慧書史外無他嗜弱冠卽知名邑令延主羅石書院講席多所成就九家爽有肝膽回逆播亂時避難來者爲之謀居處籌館穀甚至典質以助其乏幼時嘗於車轍中檢得劍股筋僕徧迹之道無行者卽取土塊書大字於壁曰失物者在此相待追還車果有守候者訊明卽付不幸早卒士林惜之 以上義行

同州府續志卷三 列傳下

三

在州石佛鎮練團練賴以安丁卯旋里適回匪犯韓與官團協外委梁天春防小嶺賊奪路爭來以礮擊之遂走逾沙河腦襲官軍後殿彪手提大刀禦之賊復逾沙河馳大嶺柳溝已爲賊據殿彪仍發礮賊逕撲手掩其礮殿彪立斷其臂乃左挾刀右援桴而鼓自子至寅賊頗披靡無何鉛藥告竭練勇莫支殿彪遂被執論其降殿彪罵不絕口賊乃脫其衣沃體以油掘坎以柴焚之罵益力卒至刺目斷指以大刀劈胸死知縣余庚陽命其第覓尸斂以棺親率同寅哭之以詩是年奉 旨給雲騎尉世襲恩騎尉罔

替

王明淵字鑑堂生員同治五年奉委提鄉團守西界之沙河腦六年五月賊逾沙河入柳溝奪大嶺衝薛峰鎮一夕南馳芝川遊騎直逼縣城明淵聞賊度大嶺迂道躡賊蹤為夾攻計賊又南馳明淵分本團三百丁作兩翼一防嶽山一禦大棗溝命二子維翰維垣登村西之柏山以為遙應六月賊大至明淵執弓射之矢盡而死維翰維垣聞父死奔山而下與賊爭鬪翰力猛矛折垣手刃數賊被縛罵不絕口遂俱被害生員王煦具棺葬之知縣余庚陽稱以

同州府續志卷三十一 列傳下

三

父忠子孝一門三傑云

雷雲漢恩貢生就職教諭同治六年回匪入境親率團丁勦賊力竭被執賊裔之神色自若賊又勸之大呼曰頭可斷志不可奪也賊怒殺之汪學使獎之曰殺魂如生蒙恩給予雲騎尉世襲

劉奉圭字端五歲貢生品端學優同治五年回匪作亂為北鄉一帶團長防禦夏陽及大嶺不辭勞瘁士民罔不稱服有頌云雙鑠哉是翁據鞍顧盼氣何雄我糧挾我矢張我弓胸有成竹卧雪踏冰夏陽南濠水東逆賊驚伏夷

兵棄甲莫敢擾其鋒

趙作舟增生同治八年回匪竄擾趙家山集團禦之力挫賊鋒次日賊大至作舟率團力戰死蒙恩給予雲騎尉世襲

陳殿龍武生充官勇隊長同治六年防禦神道嶺回匪蜂擁攻撲力竭陣亡

高覺祥有義勇氣同治六年回匪擾韓北原覺祥率二子來保得來並弟覺成覺祈同村家百餘人直抵賊穴比至眾見賊勢眾皆潰散獨覺祥父子兄弟執挺相接力戰俱死之

同州府續志卷三十一 列傳下

三

陳獻捷生員回逆至村以刃脅降不屈被殺

韋人欽州同銜回逆入境出寨探賊猝值其鋒罵之遂被殺

馮兆慶監生素性剛直利害不計同治九年二月值村中賽會陡來回逆馬隊三十餘匹兆慶率弟監生兆瑞力與賊敵救脫客商無數兄弟勢孤同時隕命

梁易楨同治丁卯回逆犯韓游騎擾北鄉易楨防要害處刺傷賊數十名賊不敢近未幾賊馬步屬至揚塵掩易楨

目易植知不能脫拔刀自刎死

王對兒充官團團丁同治六年在神道嶺打仗被回逆擒去屬不己被割舌死

王喚成同治六年村有鄉團成亦在其中回逆至成時年十八單身尾追逆於黃魯坡馬崖上逆覺之為所縛罵不絕口遂被害

吉清海同治六年回逆竄至西莊鎮其父為團正清海時年二十二隨父禦賊於九郎坡賊擁撲而來清海挺身接戰身受重傷斃命汪學使表其門曰殺身成仁蒙給恩騎

同州府續志卷三 列傳下

尉世襲 以上義勇

蘇超本福建人遷於廣東乾隆己酉武舉性剛勇有膽略

由西甯鎮游擊調神道嶺游擊御士恩威並用道光六年

由喀什噶爾防所署副將事從征逆回張格爾陣亡給予

雲騎尉世職祀昭忠祠眷屬留於韓遂家焉

曹一新渭南廩貢生授韓城訓導在官二十餘年其訓士

嚴立課程優以禮貌所獎拔者多聯翩直上愛韓俗質樸

自卜葬地於北鄉柳枝村葬之日四方來會者幾千人子

三長銳生家於韓奉祠墓焉 以上流寓

吳全賓字子尙康熙間人於醫經無所不窺又善太素術

以脈決人富貴禍福十不失一造門者如市有少年請濕其母病全賓先取少年脈切之曰無傷也至其家一劑而

愈出門見少婦曰爾有疾遲治則死婦固無疾不聽越日竟死為一友切脈謂曰若明年夏將疽發背投以藥可移

於足至期果如言武校某有女患腹腫全賓隔帳切其脈賀曰此胎微男也武校怒抽刀剖女腹果得男全賓固不

知其未嫁也駭絕自後遂不敢輕出著書甚多皆不傳技寇湘華州人博古嗜學有文名石晉開運中登進士甲科

同州府續志卷三 列傳下

魁多士其後開寶開應辟終魏王府記室參軍子準貴累

贈太師尙書令封晉國公 以下華州

車泰字子陽洪武中歲貢除戶科給事中歷遷山東參政

靖難兵進攻德州泰與鐵鉉協力攻守不下隨機應變兵

莫能克擢鉉兵部尙書進泰左布政使命翰林學士作長

歌贈之永樂初以前事逮京念為高皇帝侍從舊臣免問

調四川左布政

東思忠字進伯少穎悟十二遊太學觀祀事凡俎豆樂舞

之屬莫不備問而具識之登成化丙戌進士授刑部主事

錄畿內刑獄平反爲多凡所斷核未陳刑具而自不能欺
隱嘗曰獄有微旨非敲扑所能致也及據案正法則又曰
罪疑惟輕故危疑之獄皆就決焉轉四川按察副使立約
東謹烽燧內修政事外樹兵威松藩孤寓萬山轉輸斗米
數金主藏吏多羸縮剋取爲奸思忠滌弊正法倉庾陳陳
相因士有飽食官息科斂甲辰巳巳兩出軍勦逆命竊發
者直抵巢穴先後斬首六十餘級所獲軍器頭畜無筭曰
此士卒之功也悉以賞之捷聞屢賜金幣有加軍威大振
蜀土西北倚爲長城

州州府續志卷三 列傳下

三

郭瑾字良玉景泰中舉人磁州知州施德育民民至無訟
徒守蓬州歲大饑院司牽制舊例瑾泣曰吾所育者天子
之民也獨不能告天子耶遂聞上得賑蓬民賴焉九年入
覲蓬民隨赴闕借留以疾致政

張潛字用昭生而穎秀日記數千言從李西涯受尙書西
涯語人曰退之稱張童子不易得今復有之宏治壬子楊
遠庵督學關中以慶陽李獻吉洵陽張光世與潛爲三才
子秋試三人同舉丙辰入對大廷俱在高第授戶部山西
司主事經畫節制各當其所劉瑾用事深用避匿或曰公

鄉人也不往且有禍笑不答擇廣平知府時積奸肆虐民
不堪命盜起流劫郡邑多方捍禦郡中賴以無事既乃按
行屬邑省財力均徭賦黜舞文清滯獄與禮讓郡邑熙然
向風擢山東左參政尋罷歸以山水自娛終其天年

東漢字希節思忠子宏治戊午舉人正德中授池州同知
招亡附籍戶口增於往昔者二萬劇賊劉七起流劫江湖
吳楚間漢選民兵數千人陣於要路斷賊往來晝堽夜守
賊不能犯石埭章仁謀叛計殲渠魁餘黨悉散胡天龍連
結王浩聚眾行劫分兵大洪諸嶺並通繫邢地界凡數十

何州府續志卷三 列傳下

三

戰賊敗遁三月遂平有程文寶者劫殺人匪胡三隆所文
寶賄捕者顧誣三隆縛於官漢察有冤色鞠之文寶吐實
抵罪人服其神陞南京戶部員外郎寧藩之變部議贖金
募兵諸當行者輒不往漢獨請行已又返其羨金大司馬
喬公聞之嘆曰殺哉東員外不可能也既爲郎中清覈江
右錢糧得五百萬石宿弊一洗陞南昌知府鎮守黎監估
勢張威誅索無忌獨不能干知府會錦衣使者至意有所
干黎黨聞之曰姑且止東太守剛直不可犯也歲大饑出
粟賑之他郡悉來就食不爲禁日均吾民奈何分彼此邪

活者數萬遷長蘆鹽運司使致仕

東郊字希宋正德中進士歷官監察御史武宗將幸居庸抗疏諫止中外愕然時錢寧怙寵納賄據實論奏江彬竊弄威權玉帛子女索無虛日太監張陽謀鸞鹽席百般以供其求郡邑擾害莫支郊力爲禁止奸黨啣恨左遷潞州判官著有華嚴集

東野字希孟正德間進士授陳留知縣民健訟巨細輒赴臺省縣吏無可奈何野爲聽其大者劇者細事以義退之遂自相解釋不復訟河濫於縣害耕野築隄拒之更以其

同州府續志卷三 列傳下

三

淤爲桑麻地流亡來歸益戶口數千縣故多盜於是盡散去爲農陳州劉某殺典史善賂自脫野窮其事殺之於是河朔數百里皆欲赴愬陳留往學舍生素不知古野購集教誦士始向古陳留素彫敝至是沃野相望盜賊稀少歌誦聲徧野爲改視易聽焉陞刑部主事

王維楨字允霄嘉靖中進士選庶吉士歷官南京國子祭酒維楨以著作名世然深沉有大畧時太平無事獨留意邊防好觀古今名臣經畧凡關隘扼塞備禦疏密之計皆歷歷指陳不事按圖庚戌會試發策以大同邊無成績勸

州更有遺謀西至宣大東抵山海爲邊千二百里使幹濟之臣戮力經營患可稍止是秋薊州果有警羣臣采維楨議特設總督一人專備遼薊辛亥冬升論德署南京翰林院事念南京王業根本江海上游宜豫戒不虞每縉紳過從輒訊兵馬錢穀之事未幾倭寇下江諸郡人始服其先識乙卯偕同官袁煒與順天試受知世宗後煒枚卜上問維楨何之蓋維楨之沒久矣經緯大畧幾于顯用而時不及獨以文章行誼稱朝野惜之著存筭稿行世

同州府續志卷三 列傳下

三

張光孝字惟訓嘉靖中舉人授西華令廉明慈惠修城有功爲人孝友敦睦構辭搗藻落數千言所著有左華集莢亭記事三邊誌大河誌華州誌理學名臣傳郭性之字鹿坪萬曆甲戌進士仕至河南左布政使惇大寬仁用心精密民間疾苦無不周悉決疑獄遠近稱神籌兵餉士馬贍足致政歸所著有抱甕丈人稿

張士鵬字叔上光孝子萬曆間貢生任清豐通渭歸德密雲教授學探淵奧筆杼藻彩課士惟嚴動由軌度居恒嘗言曰官無崇卑位卑而自任卑亦崇位崇而不自任崇亦卑吾盡職而已豈知它哉四任十載名簡多出其門咸感

誦德教焉所著有嚴石齋稿

張士鯤字北溟光孝子萬歷間舉人授良鄉令至任勤乃
公事晝夜弗暇惠政時與百廢甫舉忽遭疾彌月調簡沁
源告疾歸貧才英邁丰骨稜稜工詩文善書法惜以疾歸
未竟其用所著有世編竹韻菴詩存

孫紹統字昌之萬歷癸丑進士授杞縣令歷諫垣遷山東
按察使政聲彌著因論魏璫劾職璫伏罪死起原職以病
歸歷官中外幾二十年清謹名聞朝野生平孝友處鄉篤
讓有恭人之度人咸服之

同州府志卷三 列傳下

三

劉文聘字明軒明經歷任周府教授以敦本力行爲教事
父母至孝待諸弟友愛甚篤家寒甚甘貧向學一介不苟
規言矩行必法前賢一疇負笈從學爭師事之居鄉謙讓
仁恕終身與人無忤邑鄉人有爭訟者輒取平焉至今稱
慕不衰

李榮然字爾美美鬚髯雅志詩書少勤攻苦門無雜賓以
孝友聞于鄉里舉萬歷癸卯鄉試任山東齊東縣知縣狷
介自持凜若冰霜化君子以禮制小人以法謠頌遍野德
政大著

張三汲字禹門萬歷丁酉舉人初授天長縣知縣以憂歸
復除沅陵縣學問博洽操守廉明刑清訟簡多著愛民之
政沅民戴之後以子貴致仕著有易經心解行世

張必大字可菴天啓壬戌進士初授新城縣知縣以才調
長清縣正直廉明愛民禮士賢聲尤著在事四年以治行
異等徵爲吏部主事以不拜逆璫祠遂改工部督理顯陵
工省帑金三十萬上悅之加級賜金幣復命視榷杭關以
積勞中道病卒著張工部詩稿

同州府志卷三 列傳下

三

王玉汝字爾成天啓中舉人授嶧縣令惠保如春嚴法如
秋士民奉爲神君寇蕩城致身殉難山東撫臣題奏特表
玉汝生負敏才千秋自命雖未竟其施而名烈已著爲一
時死事之傑云

東肇商字雲駒諸生性敏而多學詩文英駿千言立就聞
賊至人皆逃避獨飲酒不輟挺刃而出大罵賊奴遂被害
石璞素知兵正統間敵犯邊璞慨然曰此吾致身立功之
時也遂請京補勇二籍與敵數千遇于狼山眾懼已北璞
奮身格鬪敵不敢近戰遂勝以功升留守中衛指揮後優
老居家親葬廬墓三年